

Visoki predstavnik produžio rok za završetak rada Komisije za Srebrenicu

Visoki predstavnik Paddy Ashdown uputio je dopis predsjedniku RS Draganu Čaviću i premijeru RS Draganu Mikereviću kojim ih obavještava da je produžio rok do kojega Komisija za Srebrenicu mora završiti rad i prezentirati konačan izvještaj na datum 15. oktobar.

Visoki predstavnik je prošle sedmice naglasio organima vlasti u RS da je spreman razmotriti produženje roka ukoliko postane jasno da bi Komisija mogla otkriti značajne dokaze u dodatnom vremenu koje bi joj se dalo. U pismu predsjedniku Čaviću i premijeru Mikereviću, visoki predstavnik konstatira da je Komisija primila značajne količine novih informacija, čak i u posljednjih nekoliko dana, te da je potrebno dodatno vrijeme kako bi se ove informaciju u potpunosti analizirale.

Pored toga, novi dokumenti do kojih je Komisija došla navode i na mogućnost istraživanja novih pravaca sa Beogradom. Potrebno je još vremena da bi se provele ovakve aktivnosti. Visoki predstavnik navodi da bi ova pitanja trebao da rješava ministar vanjskih poslova Mladen Ivanić sa Vladom SiCG.

Dodatno vrijeme je također potrebno da bi se mogao izvršiti potpuni uvid u dokumentaciju koja je već dostavljena Komisiji i koja je sadržana u izvještaju Komisije od 15. juna. Od sada pa do sredine oktobra, Komisija će moći nastaviti sa naporima da iz različitih postojećih spiskova utvrdi jedinstven spisak nestalih osoba kao rezultat srebreničkog masakra.

O produženju roka do 15. oktobra je odlučeno nakon konsultacija sa Komisijom za ljudska prava u okviru Ustavnog suda BiH kao i sa glavnom tužiteljicom Haškog tribunala Carla

del Ponte. Oni su pozdravili ovu odluku.

Visoki predstavnik je izrazio uvjerenje da će predsjednik Čavić i premijer Mikerević osigurati da Komisija i dalje prima svu političku i finansijsku pomoć koja joj je potrebna za završetak posla.